

## Paerewa Paetae

|                               |  |                        |                          |
|-------------------------------|--|------------------------|--------------------------|
| <b>Aronga</b>                 | Tikanga ā-lwi 3.2  |                        |                          |
| <b>Ingoa</b>                  | Te tātari i tētahi rautaki whakapūmau ahurea a tētahi iwi taketake |                        |                          |
| <b>Kaupae</b>                 | 3  | <b>Whiwhinga</b>       | 4                        |
|                               |  | <b>Aromatawai</b>      | Ā-roto                   |
| <b>Marau akoranga</b>         | Te Marautanga o Aotearoa   |                        |                          |
| <b>Kokonga akoranga</b>       | Tikanga ā-lwi  |                        |                          |
| <b>Mana rēhita</b>            | Kua rēhitatia  | <b>Te rā i mana ai</b> | 17 Whiringa-ā-rangi 2016 |
| <b>Te rā e arotakengia ai</b> | 31 Hakihea 2020  | <b>Te rā i puta ai</b> | 17 Whiringa-ā-rangi 2016 |

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Matua

*Te Wāhi me te Taiao*

*I roto i te whenu o Te Wāhi me te Taiao ka whakawhanake mōhiotanga te ākongā ki:*

- *ngā mahi a te tangata hei atawhai i te taiao.*

### Whāinga Paetae

*Matawhenua*

8.2 *He rerekē ngā uara, ngā whakaaro me ngā urupare a te tangata ki ngā kōwhiringa, ngā aukati me ngā otinga ohaoha, pāpori, ā-taiao hoki o te whakarite me te whakatau kaupapa.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

|  |  |
|--|--|
| <p><b>Paetae</b><br/>Te tātari i tētahi rautaki whakapūmau ahurea a tētahi iwi taketake.</p>               | <p>Hei tohu i te paetae:</p> <ul style="list-style-type: none"> <li>• Ka whakamārama i ngā āhuetanga matua o te rautaki.</li> <li>• Ka whakamārama i ngā tirohanga me ngā uara rerekē ka whai wāhi mai ki te rautaki.</li> <li>• Ka matapaki i ngā hua o te rautaki, ka taunaki ai.</li> </ul> |
| <p><b>Kaiaka</b><br/>He kaiaka te tātari i tētahi rautaki whakapūmau ahurea a tētahi iwi taketake.</p>     | <p>Hei tohu i te kaiaka:</p> <ul style="list-style-type: none"> <li>• Ka whakamārama he aha te wāhi ki ngā tirohanga me ngā uara rerekē i te whakawhanaketanga o te rautaki, ka āta whakatauirā ai.</li> <li>• Ka whakatau whakaaro mō te whaihua o te rautaki, ka āta taunaki ai.</li> </ul>  |
| <p><b>Kairangi</b><br/>He kairangi te tātari i tētahi rautaki whakapūmau ahurea a tētahi iwi taketake.</p> | <p>Hei tohu i te kairangi:</p> <ul style="list-style-type: none"> <li>• Ka matapaki i ngā hua whānui o te rautaki.</li> <li>• Ka tino mātau te whakatau whakaaro mō te whaihua o te rautaki, me te whakaputa whakaaro e kaha atu ai te rautaki.</li> <li>• Ka āta taunakihia hoki.</li> </ul>  |

**Kōrero Āpiti**

1. E whai ake nei ngā whakamārama o ngā tino kupu, kīanga rānei:

|   |   |
|---|---|
| <p>rautaki<br/>whakapūmau<br/>ahurea</p>                              | <p>He mahere nō mua, nō āiane rānei i whakaritea e tētahi iwi taketake mō te iwi ake, hei urupare ki tētahi take whakapūmau. Ko ētahi take pea, ko te taiao:</p> <ul style="list-style-type: none"> <li>• pāpori – arā, nō wai te whenua, te mātauranga, te hauora</li> <li>• ahurea – arā, te reo, ngā tikanga</li> <li>• ōhanga – arā, te rawakore, te penapena pūtea, te whakawhanake whenua.</li> </ul> |
| <p>ngā āhuetanga<br/>matua o te rautaki<br/>whakapūmau<br/>ahurea</p> | <p>Ko ngā tino wāhanga o te rautaki, pērā pea i:</p> <ul style="list-style-type: none"> <li>• te whāinga me te pūtake</li> <li>• ngā mātāpono arataki</li> <li>• ngā whāinga tōmua</li> <li>• ngā inenga angitu</li> <li>• te taha whakahaere.</li> </ul>   |
| <p>ka taunaki ai</p>  | <p>Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.</p>  |

|                                    |   |
|------------------------------------|---|
| ka āta taunaki(hia)                | Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko: <ul style="list-style-type: none"> <li>• te uiui tāngata</li> <li>• ngā tuhinga hītori</li> <li>• ngā pūrongo moheni, nūpepa rānei</li> <li>• ngā raraunga</li> <li>• ngā waiata tawhito.</li> </ul> |
| ngā hua whānui                     | Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.   |
| ka tino mātau te whakatau whakaaro | He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro hei whakaatu i te hua pai o te rautaki mō ngā tau kei te heke mai.  |

Kuputaka:

whāinga tōmua

priority

### Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233